

# 北洋官報

錄目

宮門抄 上諭 交旨  
 奏議○法部奏選員赴美國萬國刑律監獄改良會摺△  
 直督奏請署知縣摺  
 摺片十八則  
 公牘○督憲札一件△晉州稟一件  
 文告三則△鐵輔六則△各省四則△各國六則  
 彙編○憲政編查館奏定府廳州縣議事會選舉章程  
 己酉官報目錄

本局第一百二十九期  
 本報目録  
 本局謹啓

現刻北洋同官錄各處履歷尙未來齊務望於二月內送交敝局以便三月初旬一律印刷

## 宮門抄

二月初三日 民政部 都察院 正黃旗值日 朱侯致祭明陵起程日期 溥公請假五日 裕厚續假十日

召見軍機 都察院遞封奏二件

## 上諭

二月初三日奉

旨鑲藍旗蒙古副都統著兜欽兼署欽此

## 交旨

二月初三日 軍機大臣欽奉

諭旨都察院代奏法部主事吳本鈞等請將已故提督雷正綰戰功宣付國史館並集資建祠呈一件雷正綰著准其宣付國史館立傳並在立功省分捐建專祠該衙門知道欽此

諭旨都察院代奏湖北試用道彭汝孫條陳調查礦產以興大利呈一件著農工商部知道欽此

● 奏議錄要 ●

法部奏遴員赴美國萬國刑律監獄改良會摺

奏爲美國舉行萬國刑律監獄改良會遴員前往赴會以資任使而便調查恭摺仰祈 聖鑒事宣統二年正月初九日准外務部咨稱准美費署使函稱各國定章每屆五年開會一次酌商各國刑律及改良監獄等事上次會在奧國開會今年又屆會期本國政府擬定西十月二號起在本國京師照章開會七日其各國會員名單須先於西二月宣布特囑函詢貴政府是否派員與會即祈咨商該管部院安定見覆奉上英文册一本內係會中與商各事希查收等因應否派員之處相應將原送英文册飭員譯漢咨行酌核前來查萬國刑律監獄改良會之設係於三十七年前倡始於美國歡迎於歐洲各邦其立會宗旨係對於各種刑事罪犯力求阻止防範與感化保護之法務使人格日趨於高尚世界日進於文明開會七次成效可觀本年在美京舉行係初次知照我國敦睦邦交良堪欣幸檢閱原册提議之件都爲四端一曰刑律二曰監獄三曰阻止罪犯四曰保護童穉用意深厚條問綦詳誠以世界愈遠人類愈增事實愈紛繁學理愈精密舉凡研究本國之規制參考列邦之情形比較與國之成績會通各員之學說皆於此會大有關係而在我國尤匪獨內治攸關抑且爲外交所繫自非遴派品秩稍崇通曉新舊法律而又夙有經驗之員不足以資任使臣等公同商酌查有京師高等檢察廳檢察長徐謙留心律例兼貫中西奉天高等審判廳廳丞許世英明敏有爲實心任事該廳長廳丞均係創辦各級審判檢察廳人員歷官三載確有經驗堪以派往赴會期在中歷八月未起程以前一切本國調查事宜最爲緊要應令該廳長廳丞查照譯送原册悉心考察先期編寄報告以便參考該廳丞許世英原係臣部主事歷充前直隸司文稿總辦秋審處差使初由巡警部調補外城巡警廳行政處僉事繼經升任督臣徐世昌奏調赴奉籌辦新設審判事宜咨由臣部奏 簡今職曾於去冬因病請假兩月來京就醫臣等因便傳見查其病將就痊假亦即滿現在奉省審判各事大有端緒業經

派員署理並無經手未完事件擬留該廳丞在京會同該檢察長詳細會商暫派該廳丞許世英在臣部參議上行走以便隨時接洽並幫辦一切司法行政事務俾臣等得收指臂之助所遺奉天高等審判廳廳丞篆務應請仍令原署之管鳳蘇接署即由臣部行文該督等轉飭提法使呈報臣部存查再司法獨立爲憲政之大綱現在各省審判檢察廳均依限籌設臣部爲全國監督所有應行改革各事至爲繁賾擬令該廳長廳丞就道之便先後分赴東西各國加意調查切實考證務令報告詳確取則有資應需經費統容臣等詳細考詢隨時咨商外務度支兩部斟酌情形辦理除將該廳長廳丞銜名咨覆外務部轉覆美使宣布並俟起程時再行奏報外所有遴員往赴萬國刑律監獄改良會緣由理合恭摺具陳伏乞

皇上聖鑒謹 奏宣統二年正月二十六日奉

旨知道了欽此

直隸總督陳奏揀員請署慶雲縣知縣摺

奏爲揀員請署選缺知縣恭摺仰祈 聖鑒事竊查慶雲縣知縣章紹洙奏留吉林補用經部截缺坐宣統元年

六月二十日行文係雙月選缺照章定於當月二十日行文無論文到在於何月仍各按原截缺之雙單月分班擬選查吏部頒發州縣選表內載各項不積缺人員用法第一項坐補原缺第二項近省即用第三項裁缺即用第四項迴避即用第五項簡缺即用第六項 特旨即用第七項散館即用按自開選時如有以上各項人員均儘數先行選用無人再按輪次表分別輪用又進士知縣用法以散館用部屬後改就者爲第一項榜下 欽點部屬

中書改就者爲第二項奉 旨歸部銓選者爲第三項均按科分甲第名次每項各選一人其捐有本班先暨勞

績保有本班先本班後花樣人員仍照章按各該部捐案卯次暨保舉奉 旨日期各於本項先後揀用一人俟

再用本項時再先後各揀用一人又改選章程第四條內載改選人員無論到省久暫但輪用到班者均由各省題

明先令試署俟試署果能稱職再奏請補授如不稱職即撤回作爲過班另以其次之員如前遞署其試署期限若

千應由各督撫就缺分之衝僻道里之遠近隨宜酌定一併聲明立案各等語上次雙月知縣已選至勞績優貢先

止今慶雲縣知縣一缺照章先用各項不積缺人員查坐補原缺近省即用裁缺即用迴避即用簡缺即用特旨即

用散館即用等項均無人按表輪用進士先人員現在進士先無人應用第一項進士散館用部屬後改就人員據

前任藩司崔永安提學司傅增湘升任臬司何彥昇查有改選班進士主事改就知縣戴寶輝堪以請署會詳請奏前來臣查戴寶輝年三十一歲貴州貴筑縣進士由

留學日本法政大學畢業領憑回國遵照進士館出洋畢業獎勵章程改就知縣歸散館班次即選呈請分發捐指直隸歸改選班補用光緒三十四年十二月初十日蒙

欽派王大臣驗放二十日到省臣到任未及三月例不出考惟據藩司崔永安等查得該員才優守潔辦事精細以之試署慶雲縣知縣選缺核與選表輪次相符合無仰懇

天恩俯准以改就知縣戴寶輝試署慶雲縣知縣如蒙 俞允該員銜缺相當毋庸送部引 見仍俟試署一年期滿再請實授除將該員履歷清冊咨部外理合恭摺具 奏伏乞 皇上聖鑒訓示謹 奏宣統二年正月二十二日奉 硃批吏部議奏欽此

摺片摘要

內閣奏初一日不進 實錄事二月初一日奉

入奏驗放無員無庸奏請 欽派事同日奉

天監進上年晴雨錄書二本同日奉

又奏次年時憲書樣本書一本同日奉

新撫聯魁奏元年七月分雨糧情形摺同日奉

又奏已革通判昌郁華補繳欠解稅銀請開復片同日奉

又奏劉澄清等署英吉沙爾同知等缺片同日奉

又奏請以何海濤借補庫車州直牧摺同日奉

又奏委迪化守潘震署伊塔道片同日奉

又奏請以李湜借補巴楚牧摺同日奉

又奏請以童淦借補洛浦令摺同日奉

又奏請以劉文龍升補莎車守摺同日奉

旨知道了

旨知道了

旨知道了書留

旨知道了書留

硃批知道了

硃批著照所請該部知道

硃批知道了

硃批吏部議奏

硃批知道了

硃批吏部議奏

硃批吏部議奏

硃批吏部議奏

又奏請以江文波補哈密直俸摺同日奉

又奏設立經徵總局催收田房稅契摺同日奉

又奏開辦郵政兼遞文報辦理情形摺同日奉

又奏甯遠縣新修渠工並加安戶口摺同日奉

又奏辦理渠工出力人員許國楨等請給獎片同日奉

又奏伊塔道慶秀俸滿送引請擢用片同日奉

### 公牘錄要

#### 督憲陳裁留幕職各員札文

照得近年通行章程督撫衙門幕職均應分科辦事以專責成本部堂按照定章並參酌本署情形詳加審訂所有刑名錢穀事件尙歸幕友核辦者應卽名爲刑錢科仍暫由幕友辦理其兼管之鹽務河工併仍其舊此外酌設七科一曰洋務科辦理交涉事件一曰度支科辦理局所款目事件一曰憲法科辦理關涉憲政事件一曰民政科辦理巡警事件禁煙衛生清訟等事亦歸兼管一曰學務科辦理教育行政事件一曰農工商科辦理農工商礦事件航路郵電等事亦歸兼管一曰庶務科分辦收發公文繕校摺件標判核對提要譯電等件又酌設書記員專司擬辦箋啓繕寫要摺等件查有錢道明訓王道克敏楊守蔭椿李守光亨蔡游擊廷幹堪以派充洋務科文案錢道明訓仍兼辦憲法科及總稽核事宜王道克敏仍兼辦農工商科事宜汪道士元沈道銘昌周守鈺鼎堪以派充度支科文案汪道士元仍兼辦民政科事宜沈道銘昌仍兼辦學務科事宜周守鈺鼎仍兼辦洋務科事宜胡編修嗣璣金檢討邦平陳道慶蘇林道葆恒唐檢討寶鏗堪以派充憲法科文案陳道慶蘇林道葆恒仍兼辦學務科事宜俞道紀琦張令徵乾盧令廷俊宋令士仲堪以派充民政科文案俞道紀琦仍兼辦農工商科事宜于編修式稜李守士偉堪以派充學務科文案趙道長鑑嚴令儼堪以派充農工商科文案趙道長鑑仍兼辦度支科事宜嚴令儼仍兼充書記員凌道重倫黃守祖戴堪以派辦庶務科收發股道重倫仍兼辦農工商科事宜朱令昌琦李令先榮步令翼鵬堪以派辦庶務科繕摺股步令翼鵬仍兼辦提要股事件吳牧煥潘令傳莠堪以派辦庶務科核對標判

硃批吏部議奏

硃批度支部知道

硃批該衙門知道

硃批該部知道

硃批該部議奏

硃批吏部知道

股陳令光麟堪以派辦庶務科提要股于守煥駒江令錫齡堪以派辦庶務科譯電股劉令師培王縣丞慶驥侯令士奇陳縣丞立城堪以派充書記員以上各員每月薪水向在何局開支者仍由該股項下照案支給以資辦公其餘從前原派文案各員凡此次未經札委者一概銷差自二月起停支薪水用昭核實

### 督憲陳札裁洋務局各員文

照得北洋交涉重要原不可無洋務局以爲辦理一切事務之所惟查該局自總會辦以次各員爲數太多歲需款項甚鉅自應大加裁減以節經費茲本大臣詳加察核辦理洋務本係關道專責仍應派充該局總辦以資督率其幫總辦會辦各員現經酌定員數至多以不過十員爲率所有應行留差之幫總辦溫道秉忠月給薪津夫馬銀四百兩會辦金檢討邦平唐檢討寶鐸錢道明訓袁道淦王道克敏陳道恩燾蔡游擊廷幹李守光亨薪水均照原案辦理岳道昭燭月給薪津二百兩王道克敏仍兼坐辦文牘總纂約章事李守光亨仍兼稽核繙譯事其餘會辦參議各員應即銷差其有差者專辦本差無差者另候委用至提調以下各員及該局各項經費並應責成總辦津海關道幫總辦溫道核實酌裁開具清單呈候核定總期用一員卽有一員應辦之事庶要務不致曠悞而公款亦不致虛糜

### 晉州夏牧詒垣稟州屬并無官荒地畝文並批


敬稟者竊卑職治晉年餘於應行要政次第勉舉雖完全未能一律尙非敢託空言慎重籌維艱苦成立大概情形已於各稟瀝陳併將農林商務未能振興原因聲明另稟均在憲案伏查卑州於宣統元年五月二十九日奉本府轉蒙藩司行知四月二十四日奉 前憲台楊札飭三月初三日准 農工商部咨遵照光緒三十二年十一月初一日欽奉 上諭議覆御史趙炳麟奏請推廣農林頒行擬定章程又於七月初一日復奉本府轉蒙工農總

局行知五月二十二日奉 前憲台那札開六月十七日恭讀 上諭前奉 先朝諭旨農林要政著各省

督撫飭屬詳查所管地方官民各荒併氣候土宜限一年內繪圖造冊報部併迭次飭令各省興辦工藝實業原以農工均爲富民要圖辦理刻不容緩現在時閱兩年奏報尙屬無幾著農工商部再行嚴催各省督撫將以上應辦農林工藝各項事宜迅速分別舉辦毋再因循悠忽用副朝廷振興實業念切民生之至意欽此轉行下州蒙此查

工藝一項卑職仿造洋椅改良笨椅已於七月二十八日詳細稟陳 前憲台端在案伏維稼穡莫先后稷材木掌在虞衡 國初本有勸農之名近歲復議森林之利政關務本富強之基礎在茲事貴實行牧令爲機關所發卑職忝權斯土首重民生故於去秋未受篆前因州治訟繁盜劇曾先微服周歷四境密訪訟棍巨盜兼察風俗民情詳查物產土宜迨接任後因開辦禁煙調查學堂預備選舉研究自治等事接見紳董或聽斷之時遇明白誠實鄉民及四出勸諭事畢與聚觀者老迭將微行訪查土宜物產兩項見聞隨時質問復稽考志乘輿圖案卷謹將年餘研究情形原因複雜與奉頒通行章程內載各條詳加參考分別有無異同除章程第二條內官荒若干大段片荒舊熟新荒第三條內軌道兩旁第六條內大段荒地荒山地勢綿亘跨連數州縣地方者均卑州所無應毋庸議查卑州轄境南北縱八十里東西橫四十里形勢狹長面積尙富按地丁額徵頃數共六千八百二十五頃二十畝有奇境內無拳石之山惟溥沱河自前明由近城南徙後又忽北忽南滾徙更番淤沙殆徧厥土遂多白壤雖淤沙深淺不同其下膠泥則居多數膠泥之性能肥沃淤沙即因質內含油而有熱力植物易見發達故卑州樹木逢春每見流脂亦類松香卽由地氣上通膠經伏秋雨後積溼化熱二月中鬱勃猛衝藉木之條理而出膠質之油合樹內精液化而成脂土人之言於格致亦頗相近若沙深丈許距膠過遠不宜植棉如僅三四尺淺沙或層沙層膠土性不純棉卽蓬蓬而上幾如小樹精氣被洩則不開化雜糧雖尙收成亦均減色土性爲植物基礎誠如 大部議頒條款第四五條指示自應研究於先至卑州近在畿南溫度相等氣候寒煥無甚懸殊又按西學論風本由地發以卑州上沙下膠之地一春頻起風霾天日爲昏或間日或連宵稚苗皆沒須重播種稼穡尤艱證以膠沙衝突之語益信其然磅礴飛騰沙卽被風捲徙隨風弱點而落壓田積旱各村有之此風害大妨農事爲卑州特別原因條款所未防又爲土性之次所應研究至於肥料則有四等最優爲芝麻醫渣其次爲麻糞雜花生壳所製餅再次卽人畜糞極次尙有灰土四種肥料之培壅卽非植物盡宜大抵醫渣麻餅則用於棉糞土用於雜糧然種棉之戶亦非盡人能用醫渣麻餅卽用糞土又須視資本厚薄能買糞土若干其植物高下之分於培壅時已定此民力有關農功肥料種類盈虧條款則尙未及又爲風害以後所應研究而植物命源繫乎水利卑州除北鄆十餘里溥水經流此外別無二河且土厚水深而北路鑿井丈餘見泉東北路鑿井二丈餘卽爲至淺其西南東南路鑿井且須四丈內

外方能見水幸鄉民近仿東洋法自津購到鐵錐逐節下杵較土法已易卑職今春又編白話告示勸多鑿井現在據報各村已增多二百餘眼隣甯交通溝洫因之亦多至引水器具導水成法卑州向用水車亦如江南之製此水利爲農政根本尙應照第十條再加考求又爲肥料相因之研究此卑州農業歷久普通之情勢至於林業卑職於去年入境之初微行密訪時初見圍城柳樹甚多約二千二百餘株詢係光緒三十一年卑前州王牧秉謙所種附郭五里以外東南西三面已多薄沙亦種雜糧惟甚稀弱與純膠沃壤所產迥殊其南卽有沙旱過旱再南五里餘又有柳林一片長一里餘寬半里許約一千五百株內外詢係柳林之東宿生村及其西古兒村庾劉兩姓所種迨至東北路東曹村外亦多純沙種樹尤盛訪聞係村正琴堂及族人等講求樹藝其時卑職爲察政俗利弊人情風土物產秘密之行勢難細點併難約估據村人稱有數萬株後查曾有報農務局之案係三萬七千數百餘株全境惟此三處森林是爲大宗其餘各村常產槐榆楊柳爲多間有桑柏楮椿卽爲良材別無異種至田間之天然產惟穀粱黍稷豆麥棉麻蕎麥花生瓜芋蔬菜而豆麻瓜菜之中分類尙多名色各別去歲僅稱中稔各鄉亦尙綠滿田疇頗少閒荒偶見沙地皆非廣漠沙旱多而疇畝雖皆未種雜糧而有草木卑職均鉛筆記之迨後因公迭見紳董耆老將以上所見如附郭薄沙之地所產細弱稀疏收成無多商勸業主改種果木材料等樹以資推廣森林紳耆皆稱附郭沙地其時現像因去年一春少雨入夏雨遲且微如春雨應時之年不失節候再少風霾則種植雜糧發達亦甚茂密收成雖遙沃壤每畝亦穫二二三斗卑職復曉以好雨知時固所難必卽或天如人意利亦甚微何如改植樹木利固較厚且樹多卽可致雨樹矮并可蔽風年久根深併沙亦能化土然者農終是懷疑未能勉辦今年二月卑職仍擬於四境沙旱振興森林以免開荒遂飭警務畢業學生三人分路徧查沙旱併藉此便將二百一十七村村圖畫成至四月圖工告竣統計查得東南西南東北西北四路七十二村莊共沙旱二百十八處卽遠年濬沱故道所涸浮沙每年春風鼓動飛揚落而積成阜謹案通鑑輯覽內沿革註下州有鼓聚之名州志亦載殆卽以此而傳內以東北路之東曹龐村西北路之河張莊東南路之西張岔口西南路之南劉家莊沙旱爲大餘皆遞小卽歷年春風所聚地屬不毛幸尙滋生樹木卑職本擬遵例秋後行繩逐處覆勘測算積方可得若干頃畝卽乘冬令查傳業主商以如自招樹戶種植果木照習慣鄉例業主種戶對分其利各提一成歸於公家如業主不能自招種



原件短缺

日五十日以前一律告成存放自治公所宣示公眾若二鄉以上合爲一選舉區者由各該鄉董移送管理選舉之鄉董宣示之

第八條 宣示選舉人名冊以二十日爲期若本人以爲錯誤遺漏准於宣示期內取具憑證聲請城鎮總董鄉董更正逾限不得再請 城鎮總董鄉董據前項聲請應即日知會府廳州縣參事會公斷

第九條 參事會自接到前條知會之日起應於十日以內斷定准否若斷定准其更正者由城鎮總董管理選舉之鄉董一律更正卽爲確定

第十條 選舉人名冊確定後由城鎮總董管理選舉之鄉董保存之自確定之日起一年以內若有改選補選所有選舉人及被選舉人仍以該冊爲準

第十一條 選舉人名冊確定後應分備副本由府廳州縣長官申報督撫存案並交各投票所及開票所各一分備查

第十二條 投票所分設於各選舉區 其選舉區較大者得由城鎮總董管理選舉之鄉董劃定地段分設投票所若干處

第十三條 投票所所在地由城鎮總董管理選舉之鄉董定之

第十四條 城鎮總董管理選舉之鄉董應按照各投票所投票人數分別造具投票簿并按照定式製成選舉票及投票匾於選舉日期十日以前分交各投票所 投票簿應記載投票人姓名年歲籍貫及住所

第十五條 城鎮總董管理選舉之鄉董屆選舉日期應親蒞投票所監察之其投票所有二處以上者呈請府廳州縣長官派員分蒞監察之

第十六條 投票所之啓閉城鎮總董管理選舉之鄉董掌之其啓閉刻以午前八時至午後六時爲率

第十七條 投票人以列名各該投票所之投票簿爲限

第十八條 投票人屆選舉日期應親赴投票所自行投票不得倩人代理其照章特許者不在此限但投票時應將代理憑證向城鎮總董管理選舉監察之鄉董或另派之監察員呈驗

第十九條 投票人應在投票簿所載本人姓名項下簽字畢方准領選舉票

第二十條 投票人每名祇准領選舉票一頁

第二十一條 投票用無名單記法行之 投票人得於選舉票附記格內註明所選舉人官銜職業住所等項此外不得夾寫他語

第二十二條 投票人於投票所內除關於投票事宜得與有關選舉之職員問答外不得涉及他事並不得與他人接談 投票人投票畢應即退出不得逗遛窺視

第二十三條 投票人倘有頂替及違背定章等事城鎮總董管理選舉之鄉董或另派之監察員得令退出

第二十四條 投票所除有關選舉之職員及投票人外他人不得闖入

第二十五條 投票完畢後由城鎮總董管理選舉之鄉董將始末情形造具報告書連同投票匣於翌日移送開票所並呈報府廳州縣長官

第二十六條 投票所自投票完畢之日起十五日以內一律裁撤

第二十七條 開票所設於各選舉區之城鎮鄉自治公所

第二十八條 城鎮總董管理選舉之鄉董於各投票區送齊之翌日酌定開票日期時刻先行榜示屆時親蒞開票所當衆檢點票數即行開票

第二十九條 開票時准選舉人前往參觀若人衆不能容時城鎮總董管理選舉之鄉董得限制人數

第三十條 檢票時應先將選舉票與投票簿對照如有票數與名數不符及放棄選舉權等事應另冊記明

第三十一條 凡選舉票無效者如左

一 寫不依式者

二 字跡不可認者

三 不用投票所所發選舉票者

四 選出之人不合被選舉資格者

運司張稟請停支薪銀卽以此項銀兩讓歸熙道作為  
公費文

井陘縣涂令福田稟遵章會議警務暨送議案清摺文  
天津縣議事會申津海關道文

二十日

臬司等會詳日韓通漁章程直隸能否互換現議仍應  
從緩文

工藝局稟園場廳集股創辦工藝學堂文

安州劉牧寶泰稟督憲籌設改良監獄請將獄囚派撥  
鄰封寄禁文

二十一日

林道志道稟滄州捷地路綫略改偏西請飭遵文

薊州黃牧行簡稟種煙地畝一律淨盡并委員紳稽查  
文

天津商會移天津府議覆請畜所事宜文

二十二日

督憲楊准魯撫電東明開洲兩處地方綫桿被竊請飭  
緝札飭各該屬遵照文

天津董事會申天津鎮訂期丈量地界文

又移覆天津縣調查地租情形文

又移覆天津縣解茂義應領退租銀洋應否照原定數

目斷結文

職員婁舉仁稟請認辦津武口岸報効學堂經費文

二十三日

運司詳鹽商晉有學等認辦津武口岸每年報効銀四  
萬兩文

萬兩文

天津勸學所函致議事會清查田房辦法文

二十四日

督憲楊准農工商部咨覆商人李敬修開辦昌平屬糖  
土礦產征稅辦法札飭礦政調查局遵照文

礦政調查局詳職局酌擬派員往各州縣境辦理礦務  
稽征稅租文

天津縣議事會稟督憲華界演劇事宜請酌核文

稽征稅租文

天津縣董事會移議事會籌擬劃清兩會權限文

豫撫吳恭錄 諭旨札藩司飭屬一體欽遵文

二十五日

天津縣胡令商彙詳官立五處半日學堂改為簡易科  
初等小學堂文

初等小學堂文

鉅鹿縣葛令龍三稟遵飭開會決議巡警改良事宜文

深澤縣孫令疏琇稟本縣創辦四鄉巡警已逾三年請  
將尤為出力之村正副等分別給獎文

武清縣姚令佐寅詳請三十四年分鹽引暢銷議叙文

二十六日

通永道衡道吉詳楊村廳等屬去歲防護伏秋兩汛尤爲出力各弁請外獎文

廣昌縣高令紹陳稟初選投票所開票所地址文

武強縣韓令炳樞稟任內籌辦各項新政文

河南陸軍兵備處會詳撫院另擬會議及通知簿章程

文

二十七日

督憲楊據北洋灤州官礦公司詳陳家嶺附礦完納稅

釐情形札飭礦政調查局遵照文

直隸官吏法政研究所咨會改辦情形暨開用關防日

期文

天津商會稟遵飭核議津埠各布商虧欠各洋行貨款

辦法文

二十八日

督憲楊准度支部咨天津銀號註冊事札飭該號查照

文

又准察哈爾都統咨覆口北免設公司並商訂蒙鹽額

數一案諭令該公司變通分銷辦法札飭運司查照

文

警務處詳覆吳橋縣請獎警務員紳文

行唐縣方令運昌詳王大來等捐助學費請獎文

二十九日

天津縣議事會移覆天津縣請抄交各村村正副名冊

並申明權限文

天津縣移議事會抄送各村村正副名冊文

遷安縣劉令道春稟設立戒煙社情形文

高邑縣倪令鑑稟試辦車捐修理道路文

三十日

督憲楊據津海關道詳京漢鐵路出進口料物應否免

稅咨請稅務大臣核示文

督憲楊准郵傳部咨覆正太鐵路裝運井陘煤斤運費

貼水已飭局酌減札飭井陘礦務局遵照文

淮軍銀錢所申報 督憲啟新洋灰公司收到舊股東

票摺註銷各戶股數文

湖北荆宜道吳道品珩申報督憲上年冬季各國兵輪

進出本口日期文

深澤縣孫令毓琇稟創辦工藝頗著成效請立案文

閏二月初一日

直隸工藝總局詳工業學堂上年年終大考學生課程

分數文

宣懷礦礦局稟聲明宣礦專利請照督辦公司成案咨  
明晉省飭局核議文



# 北洋師範學堂招考自費生廣告

本堂專修科畢業明歲添設優級完全科初級師範補習科招收官費各生均經分別詳咨

督憲提學司通飭各屬并分咨山東山西河南東三省選送在案惟津地五方聚處外省人士志在嚮學者頗不乏人茲特查照舊章每科招攷自費生十名如有志入學者應即遵照後開條例來堂報名聽候定期考試勿誤為要

**一分科(甲)優級完全科(乙)初級師範補習科** 一資格 不拘籍貫(甲)科中學堂及初級師範完全科畢業者(乙)科初級簡易二年以上畢業報司有案者

一獎勵 與官費生一律無異 一報

**名** 自宣統元年十二月二十日起至宣統二年正月二十日止親到本堂呈驗文憑備具像片填寫履歷 一

**考試**(甲)科按照中學堂及初級師範課程考試(乙)科按照初級師範簡易科二年課程考試錄取後應即取具安實保人保證書備案 一學膳費 全年九十六元每年分正月七月兩次繳納書籍操衣均自備 一地

址天津河北新開河

## 北洋師範學堂添設優級完全科廣告

本學堂添招優級完全科學生當經咨請 提學司通飭各屬文送在案諸生如有志入學者務即於定期以內呈請各該地方官備文申送幸勿自誤茲擬定條例如左

一學額 百二十名 一學科 按照部章辦理 一資格 曾在中學堂及初級師範完全科畢業

一獎勵 俟畢業後查照定章請獎 一報名 自宣統元年十二月二十日起至宣統二年正月二十日止

親到本堂投文呈驗憑照并各具像片一張填寫履歷聽候定期考試 一考試 按照初級完全科及中學堂

各科功課程度分科考驗錄取後應繳呈保證全十元俟畢業後發還 一學膳費 官費 一書籍摻

衣自備 一地址 天津河北新開河

天津商務印書館廣告

歲逢庚戌萬象更新本館特製月份牌一種文雅富麗兼擅其勝專備 購書  
 諸君贈品以助雅興凡購本館書籍圖畫 滿現洋二元者謹贈日  
 曆五彩月份牌

份牌 一張滿四元者二張 餘可類推 不滿二元者不贈 訂定正月初十日贈起

至二月初十日止 如期內業已送完則當改贈他書臨時再行佈告

敬贈書目提要

本館創辦十餘年編譯書籍將及千種茲特印成書目提要一册欲閱者請向本館索取遠地函索即當寄奉 附 郵票購書 章程 凡值信局郵局不能匯兌款

項之處其書價及寄費可用郵票為代辦法如下(甲)郵票以一角二角者為限如有零數可將一二分者合足三角以上之郵票不收(乙)郵票抵實洋以九五折計算如寄郵票一元僅能購書九角五分(丙)郵票有污損及不能揭開者不收(丁)寄費照書價加一成(戊)寄費至少須五分

商務印書館啟

天津分館開設河北大胡同 電話五百二十六號

# 本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗加獎譽茲為推廣招徠起見自本年承印各項價目格外減讓以副官商雅意如蒙賜顧請至本局賬房面議可也

**啟新洋灰有限公司舉行股東會議**  
 敬啟者本公司現屆第三次派利謹擇於二月十六日下午二點至六點鐘舉行股東會議座設海大道英租界本公司總理處務所有諸君於是日未刻 惠臨集議為盼  
 本公司謹啟

## 督署兩等小學續招學生廣告

地址 督署後天緯路北學級 本校分高等初等兩級資格高等以能作短文為合格初等識字與不識字均可 課程 遵章報名自二月初一日起至二月三十日截止本在堂庶務處 考期 三月初一日早八點鐘考高等學生下午兩點鐘考初等學生 學費 不收

## 北洋灤州官鑛公司開收第二期股本廣告

啟者本公司原招股本係分兩期核收分填天字地字兩項股票茲特定期將地字股本收足自本年正月十五日起望持天字股票為憑以便驗票收款天津本埠以三個月為限交法界五號路十四號門牌本公司總理處其外埠較遠以五個月為限仍交各處天津分銀號均先發執照一個月後換取地字股票如逾限不交當查照本公司招股章程第十七條辦理合先登明此啟

## 順直納稅多額者公鑒

敬啟者資政院選舉納稅多額議員現經督憲電請 資政院展限一月以二月初六日起至二月二十五日止為宣示互選人名日期以三月初一日為舉行互選之期刻由督憲派定互選管理員辦理調查資格事宜假天津商務總會為辦公之所凡順直合格富紳即請於二月初六日前親到天津商務總會互選管理員辦公處填明資格以便彙呈 藩憲儘選互選人二十人俾得如期宣示 合格富紳幸勿自誤可也 互選管理員謹啟

# 新 啟 告廣司公限有灰洋



啟者本公司係承受唐山洋灰公司老廠另購外洋最新式機器旋密等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精曾寄由德國國家栢林及日本關東都督府各化驗所驗得動力堅力及凝結時刻灰之粗細均合要工所用其成色與外洋最高之貨相等倘有機器製造之紅磚花磚洋灰瓦水溝管矸子土等項無論躉零交易均可本公司總理處設在天津海大道英租界並在北京奉天大連煙台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

## 利 記

大小皮包法國洋號又新到轉盤換調話匣八音盒價格外從廉仕宦官商光顧者請移玉紫竹林法租界本行面議可也

本行開設天津上海香港志呢華海參歲等處均設立有年諸班貨物由外洋本機器廠自造鐵蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表練金鑲珠寶鑽石戒指留耳墜鑲子表鑲大小八音盒並留聲話匣單雙桶千里眼磁蘭磨花穿衣鏡妝梳洋鏡

本行主人啟

## 瑞林祥元記 綢緞洋貨莊

本行開設北京前門外鮮魚口天津估衣街中間路北山東濟南府院西路北自置綢緞紗羅顧繡粧蟒洋貨布疋各色喇哩厚呢京廣什貨俱全貨高價廉劃一不二後廳內專售線貨織絨袍料衣包被套口袋線毯毛毯零貨均照行價發兌中外 紳商賜顧移玉是幸 瑞林祥元記具

## 嶧縣中興煤礦有限公司添招新股廣告

敬啟者本公司前蒙農工商部奏派參上行走前長蘆運台周到嶧調查商籌擴充辦法預算五年內路礦用款出煤噸數並議招新股漕平足銀二百二十萬兩具文呈復旋蒙農工商部札飭本公司邀集舊股東設法招集務於預算年限內每日出煤二千噸之數各等因奉此本公司現已遵札將添招新股章程議改完善呈部奉准立案茲將部札原呈及添招新股章程登告以供公覽其擴充辦法及出煤獲利取息分紅各節均詳周都轉原呈並招股章程毋庸贅述如有遠近官紳商庶願附本公司礦股者自一股至數百股均可隨時向義善源慶善銀號洋灰公司河北周公祠後院南鄭宅等處商附兌款後先給收銀憑單隨函告濟南總理處填寫股票息摺寄回轉交附股人收執為憑以收足原議之數為截止之期幸勿觀望自失利益特此敬佈

# 北洋股票交通有限公司遷移廣告

逕啟者敝公司於光緒三十四年十一月間詳蒙北洋大臣批准設立其宗旨在於流通股票行用利便期人入勃起股分思想俾實業有逐漸發達之機而免貿易無門入股者因而觀望溯自開辦以來交易甚夥成效頗著誠為始料所不及惟原借北馬路售品總所本係權為會議辦公之區其房屋稍覺窄狹不足以昭接待來賓之誠意今准於宣統二年正月初一日遷移北馬路北洋天津銀號門內面北樓上房間較前寬大遇有出進股票者接洽頗形方便特此登報聲明期請光顧諸君移玉是幸  
北洋股票交通有限公司謹白

## 天津銀號廣告

本銀號代辦直隸公債所有光緒三十二三三四等年宣統元年第一二三四等年各期應付本利銀兩業經照數分付並廣登告白各在案茲值本年宣統二年正月杪為公債第五年第一期滿給還本利之期即係原訂光緒三十六年期限凡天津各票主請查照章程第七條持票至本銀號核取本年第一期本利銀兩且期滿之票並可任便抵納地丁錢糧鹽課關稅及各稅捐已詳請督憲照奏准章程通飭各屬不准留難需索務即持票兌取現銀毋得自誤再如有本埠上四年到期未經支取本利銀兩各票亦可到本銀號驗票續發特此佈告

## 奏辦京師自來水有限公司訂期開股東常會廣告

查本公司招股簡章第二十條內載每年二月各股東在北京本公司開會一次宣布上年盈虧情形預籌本年營業方針是為尋常會議現在本公司甫經售水並無盈虧可言而營業方針亟須預為籌畫以期推行盡利且開辦情形亦應逐細報告茲定於二月二十一日下午二鐘在北京前門內西城根本公司開股東常會報告提議一切事件應請諸位股東於會期前三日攜帶股票赴本公司驗明填發入場券屆期即可持券入會如不先領入場券臨時碍難接待謹啟

## 天津勸工陳列所廣告

謹將本所自正月初六日至二十九日遊覽人數並代售貨品件數列下計開優待票共一百五十二位入覽客票共三百三十七位參考客票共三百三十四位四次禮拜五入覽女客票一百六十一位參考女客票一百六十位代北京農工商部工藝局售出貨品二十四件代北京工藝商局售出貨品五件代天津實習工場售出貨品三百五十件代天津廣仁堂售出貨品四十件代天津公益造勝公司售出貨品二百三十六件代天津造勝有限公司售出貨品二百五十件代天津永興承售出貨品三件代天津益豐成售出貨品一十四件代天津同陸號售出貨品一件代天津民立第八工場售出貨品二件代天津芝蘭香公司售出貨品一十二件代天津合記造勝公司售出貨品一件代天津勸工陳列所謹啟

# 本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗加獎譽茲為推廣招徠起見自本年承印各項價目格外減讓以副官商雅意如蒙賜顧請至本局賬房面議可也

**啟新洋灰有限公司舉行股東會議**  
 敬啟者本公司現屆第三次派利謹擇於二月十六日下午二點至六點鐘舉行股東會議座設海大道英租界本公司總理處務祈有股諸君於是日未刻惠臨集議為盼  
 本公司謹啟

## 督署兩等小學續招學生廣告

督署後天緯路北學級本校分高等初等兩級資格高等以能作短文為合格初等識字與不識字均可課程遵章報名自二月初一日起至二月三十日截止本在堂庶務處考期三月初一日早八點鐘考高等學生下午兩點鐘考初等學生學費不收

## 北洋灤州官鑛公司開收第一期股本廣告

啟者本公司原招股本係分兩期核收分填天字地字兩項股票茲特定期將地字股本收足自本年正月十五日起望持天字股票為憑以便驗票收款天津本埠以三個月為限交法界五號路十四號門牌本公司總理處其外埠較遠以五個月為限仍交各處天津分銀號均先發執照一個月後換取地字股票如逾限不交當查照本公司招股章程第十七條辦理合先聲明此啟

## 順直納稅多額者公鑒

敬啟者資政院選舉納稅多額議員現經督憲電請資政院展限一月以二月初六日起至二月二十五日止為宣示互選人名日期以三月初一日為舉行互選之期刻由督憲派定互選管理員辦理調查資格事宜假天津商務總會為辦公之所凡順直合格富紳即請於二月初六日前親到天津商務總會互選管理員辦公處填明資格以便彙呈憲儘選互選人二十人俾得如期宣示祈合格富紳幸勿自誤可也  
 互選管理員謹啟